

# Declaration du Roy,

Representant la pure verité du deuoir qu'il a fait enuers les deputez des Rebelles, à fin de paruenir à vne pacification: & au contraire, de leurs machinations, mauuaises entreprises, & meschât acte enuers Monseigneur le Duc d'Alençon son frere, pour le separer d'aupres de sa Maiesté.

Auec Mandement à la Noblesse, Gentilshōmes, & autres gens de guerre, d'eux rendre promptement es lieux qui leur ont esté ordōnez.

A P A R I S.

Par Federic Morel Imprimeur  
ordinaire du Roy.

1575.

*Auec Priuilege dudit Seigneur.*

Doc. 10. 10. 10. 10. 10.





## De par le Roy.



NOSTRE amé & feal, Nous estimōs qu'il n'y a personne qui ne cognoisse assez, avec quel desir nous sommes entrez en nostre Royaume, de reduire & remettre par douceur au bon chemin de l'obeissāce qui nous est deuë par nos subiects, ceulx qui s'en estoient desuoyez par la prise des armes contre nostre

auçtorité : & comme depuis  
nostre arriuee nous n'auons es-  
pargné aucuns des moyens qui  
y ont peu seruir. Dequoy font  
assez de preuue les Declarations  
que nous auons faict expedier:  
ensemble la peine & trauail que  
nous auõs pris pour faire venir  
par deuers nous les deputez de  
la part de ceulx qui sont esleuez  
en armes contre nous, à fin de  
paruenir à vne pacification, se-  
lon que nous l'auons tousiours  
grandement desirée. Ce qui  
n'auroit peu estre neantmoins  
effectué: ains se seroient depar-  
tis d'aupres de nous lesdicts de-  
putez au mois de May dernier,  
sans y auoir esté prise aucune  
conclu-

conclusion, pour ne festre vou-  
lus contéter des choses plus que  
raisonnables que nous leur ac-  
cordions. Et ayans eu commã-  
demēt de nous venir retrouver  
dedans la fin du mois de Iuillet,  
à fin de prédre tant plustost yne  
bōne & salutaire conclusion en  
ce negoce, qui peust faire cesser  
les maulx, desquels nous auons  
regret extreme de voir nostre  
Royaume tant affligé: Il est  
neantmoins adueni qu'ils ne sy  
sont encores rendus, combien  
que nous les en ayons ordinai-  
remēt faiēt solliciter: mais seu-  
lement aucuns d'entre eux, qui  
ne peuuent entrer en conferen-  
ce de cest affaire sans l'assistance



des autres. Ce pendant il est  
notoire de quels deportemens  
il a esté vſé par leſdicts eſleuez  
en armes contre nous: qui ſur  
ce pourparlé de pacification, au  
lieu de manier toutes choſes  
auec douceur, & faire cognoi-  
ſtre ce qu'ils portoiēt de bonne  
volonté au cueur, ont faiēt plu-  
ſieurs machinations & mauuai-  
ſes entrepriſes, & eſſayé de ſur-  
prendre la plus part des bon-  
nes villes de noſtre Royaume:  
cōme il eſt aduenü d'aucunes,  
meſmes de celles de Perigueux,  
& de quelques autres: faiēt  
plusieurs prattiques & menees  
pour attirer à leur party plu-  
ſieurs gentilshommes catholi-  
ques,

ques, ont sollicité secours d'e-  
strangers, pour entrer en nostre  
Royaume: &, pour couronner  
leur œuvre du plus meschant  
acte qui se pourroit iamais ex-  
cogiter, ont par leurs mauuai-  
ses persuasions induict nostre  
trescher & tresamé frere le Duc  
d'Alēçon, à se separer d'aupres  
de nous, au plus grand regret  
& desplaisir que nous eussions  
sceu recevoir. Et pour ce que  
sur ces occasions aucuns de nos  
subiects pourroient semouuoir,  
nous auōs bien voulu leur faire  
representer la pure verité des  
choses, telle qu'elle est conte-  
nue cy dessus: à ce que la sça-  
chans ils soient d'autant plus

fermes & encouragez de demeurer au chemin de la vraye obeissance qu'ils nous doiuent, sans penser à suiure autre party que le nostre, monstrás en cela vn singulier tesmoignage de leur grande loyauté & fidelité: laquelle ils ne sçauroiét mieux faire cognoistre que en se rendant promptement ceulx de nostre noblesse, de nos ordonnances, & autres gens de guerre, és lieux que nous leur auons ordónez, pour nous y faire seruice: A sçauoir les vns pres de nostre trescher & tresainé oncle le duc de Montpensier, les autres pres de nostre trescher & amé cousin le duc de Guise,  
& les



& les autres pres de nostre per-  
sonne, au meilleur equipage  
d'armes & cheuaux, & avec le  
plus grand nombre de leurs  
amis que faire se pourra, pour  
marcher avec nous. Dont nous  
les admonestons au nom de la  
loyauté & fidelité de laquelle  
Dieu les a obligez enuers nous,  
les faisant naitre nos subiects.  
Laquelle ils ne nous scauroient  
faire cognoistre en meilleur  
endroit que celuy qui se pre-  
sente au iourd'huy: & ne nous y  
pourroient aussi abandonner,  
sans estre reconneuz à la poste-  
rité d'auoir grandement defaillly  
à ce qu'ils nous doiuent natu-  
rellement. A quoy satisfaisant,

outre ce qu'ils ferót acte digne  
de vrais, bons & loyaulx sub-  
iects, nous en aurons perpe-  
tuelle souuenance & memoire,  
pour le recognoistre particu-  
lierement enuers vn chascun  
d'eux, selon que les occasions  
s'en pourront presenter. Nous  
voulons aussi & vous mādons,  
que vous faictes publier de par  
nous, par tous les lieux & en-  
droicts de vostre ressort & iuris-  
diction, Que tous les Gentils-  
hōmes de nostre maison ayent  
à nous venir trouuer, & se ren-  
dre pres de nous en ceste nostre  
ville de Paris, au meilleur equi-  
page d'armes & cheuaux que  
faire se pourra, dans le viij du  
R mois

mois d'Octobre prochain, pour  
le plus tard, sans qu'ils y fassent  
aucune faute.

Donné à Paris, le xx iour de  
Septembre, l'an de grace mil  
cinq cens soixante-quinze.

Signé,

*HENRY.*

Et au dessous,

*BRVLART.* ○

Leu & publié à son de trompe & cry  
public par les carrefours & lieux accou-  
stumez à faire cris & publications en  
ceste ville de Paris, par moy Simon Simõ-  
net sergent à verge au Chastelet de Paris,  
cõmis de Pasquier Rossignol Crieur iuré  
du Roy en ses ville, preuosté & viconté  
de Paris, accompagné de Michel Noiret  
Trompette iuré dudit Sieur esdicts ville,  
preuosté & viconté de Paris, & de deux  
autres Trompettes, le Mardy xxvij Se-  
ptembre, 1575.

SIMONNET.

## Sommaire du Priuilege.

PAR Lettres patentes du Roy, donnees à Paris le quatriéme iour de Mars, mil cinq cents soixante-vnZe, signees sur le reply, Par le Roy, Monsieur le grand Aumosnier present, DE-NEUF-VILLE, & seellees du grand seel dudit Seigneur, en cire iaune, sur double queue: verifiees tant en la Cour de Parlement, Chambre des Comptes, des Aides, que au Chastellet de Paris: Il est permis à Federic Morel son Imprimcur ordinaire, d'imprimer ou faire imprimer, vendre & debiter tous Edicts, Ordonnances, Mandements, & Lettres patentes: sans qu'autres Libraires & Imprimeurs les puissent imprimer ne faire imprimer, si ce n'est du vouloir & consentement dudit Morel: sur les peines contenues esdictes Lettres. En oultre a ledict Seigneur voulu, qu'apposant par ledict Morel vn extraict sommaire de ses Lettres au commencement ou à la fin de chascun des Liures qu'il imprimera, elles soient tenues pour suffisamment notifiees & venues à la cognoissance particuliere de tous ceulx qu'il appartiendra, sans qu'ils en puissent pretendre cause d'ignorance.

La confirmation de ce que dessus, avec ampliation, a esté octroyee audit Morel le vingtieme d'April, 1575. Par le Roy,

DE NEUF-VILLE.







